



Pou Piblikasyon Imedya: 29/01/2021

GOUVÈNÈ ANDREW M. CUOMO

GOUVÈNÈ CUOMO BAY NOUYÒKÈ YO MIZAJOU SOU PWOGRAM VAKSINASYON ETA A

Jiska 11am jodi a, sit distribisyon swen sante New York yo te administre 95% nan premye dòz yo te resevwa nan men Gouvènman Federal la

[Tablodò Vaksen an](#) pral ajou chak jou pou bay mizajou sou pwogram vaksinasyon eta a; ale sou ny.gov/vaccinetracker

Jodi a, Gouvènè Andrew M. Cuomo te bay Nouyòkè yo mizajou sou pwogram vaksinasyon eta a. Jiska 11:00 AM jodi a, sit distribisyon swen sante New York yo te resevwa 1,387,840 premye dòz epi yo te bay 95 pousan oswa 1,316,032 premye dòz vaksinasyon ak 78 pousan premye ak dezyèm dòz yo. Alokasyon semèn 7 gouvènè federal la nan wout pou livre bay founisè yo pou administre.

"New York te rann yon gwo rezo distribisyon vaksen operasyonèl atravè eta a, e jiska jodi a, nou kontinye resevwa vaksen nan bra nou nan fason ki pi rapid epi ki ekitab ke posib. Nou gen plizyè milye distribitè, e menm gen plis toujou yo ka mete anliy, men reyalyte a sèke administrasyon vaksen an depann de kapasite pwodiksyon konpayi famasetik prive yo ak kapasite Etazini pou pwodui yo," **Gouvènè Cuomo te deklare.** "Sa ki enpòtan sèke vaksen an ra. Gouvènman anvan an pa t sèlman ouvri vòn kalifikasyon an san ogmante apwovizyonman an, men yo pa t kòmande ase apwovizyonman pou reponn ak demann lan. Administrasyon Biden lan ap travay pou korije fo pa administrasyon anvan an, men nou dwe jere atant nou yo. Pwodiksyon an sèlman ap pran sis a nèf mwa. Jiskaske sa rive, n ap kontinye fè rasyonman vaksen an epi distribye li san patipri, e n ap travay an paralèl ak gouvènman federal la pou bay piki nan bra tout Nouyòkè ki kalifye yo."

7 milyon Nouyòkè kalifye kounye a pou resevwa vaksen an. Gouvènman federal la te ogmante apwovizyonman pa semèn nan a 16 pousan men gran rezo distribisyon New York ak gwo popilasyon moun ki kalifye a toujou lajman depase apwovizyonman k ap soti nan gouvènman federal la. Piske apwovizyonman an limite, nou ankouraje Nouyòkè yo pou yo rete pasyan e nou konseye yo pou yo pa prezante nan sit vaksinasyon yo san randevou.

Chif pwogram vaksinasyon yo se pou dòz ki distribye epi livre nan New York pou pwogram vaksinasyon an, e yo pa genyen ladan yo sa ki rezève pou pwogram Etablisman Swen Alontèm gouvènman federal la. Men yon repatisyon done sou baz

kantite ki repòte bay Eta New York a 11:00 AM jodi a. Alokasyon total ki anba a genyen ladan l 33 pousan alokasyon semèn 7 la k ap fin distribye bay sit founisè New York yo dimanch.

REPATISYON NAN TOUT ETA A

- Premye Dòz yo Resevwa - 1,387,840
- Premye Dòz yo Bay - 1,316,032; 95%
- Dezyèm Dòz yo Resevwa - 618,115
- Dezyèm Dòz yo Bay - 244,644

Rejyon	Kantite Dòz yo Resevwa Ototal (1ye ak 2yèm)	Kantite Dòz yo Administre Ototal (1ye ak 2yèm)	% Total Dòz yo Bay/Resevwa (1ye ak 2yèm)
Capital Region	124,915	102,895	82%
Central New York	101,245	98,740	98%
Finger Lakes	124,040	104,421	84%
Long Island	248,645	192,385	77%
Mid-Hudson	193,235	135,167	70%
Mohawk Valley	56,580	34,376	61%
New York City	907,515	690,568	76%
North Country	54,585	39,111	72%
Southern Tier	57,265	44,637	78%
Western New York	137,930	118,376	86%
Nan tout Eta a	2,005,955	1,560,676	78%

	1ye dòz livrezon konplè yo bay New York pou Sit	2yèm dòz livrezon konplè yo bay New York pou Sit	TOTAL	KIMILATIF

	Distribisyon Swen Sante yo	Distribisyon Swen Sante yo		
Semèn 1 Dòz k ap vini nan dat 12/14 - 12/20	90,675	0	90,675	N/A
Semèn 2 Dòz k ap vini nan dat 12/21 - 12/27	392,025	0	392,025	482,700
Semèn 3 Dòz k ap vini nan dat 12/28 - 01/03	201,500	0	201,500	684,200
Semèn 4 Dòz k ap vini nan dat 01/04 - 01/10	160,050	90,675	250,725	934,925
Semèn 5 Dòz k ap vini nan dat 01/11 - 01/17	209,400	45,825	255,225	1,190,150
Semèn 6 Dòz k ap vini nan dat 01/18 - 01/24	250,400	428,100	678,500	1,868,650
Semèn 7 Dòz k ap vini nan dat 01/25 - 01/31*	83,790	53,515	137,305	2,005,955

**Chif sa yo reprezante 33 pousan alokasyon semèn 7 la. Yo prevwa pou alokasyon konplè semèn 7 la rive nan fen jounen dimanch 31 janvyè a.*

Jiskaprezan, sit distribisyon swen sante New York yo te administre 95 pousan premye dòz ke yo te resevwa nan men gouvènman federal la men akòz repatisyon limite gouvènman federal la, randevou yo te ranpli byen vit. Pou ou detèmine si ou elijib ak pran yon randevou nan yon sit vaksinasyon an mas Eta a jere, ou ka vizite sitwèb

['Èske M Elijib \(Am I Eligible\)'](#) a. Nouyòkè yo kapab rele depatman sante, famasi, doktè oswa lopital lokal yo pou yo jwenn plis enfòmasyon ak pou yo pwograme randevou yo kote vaksen yo disponib.

[Tablodò pou Swivi Vaksen Kont COVID-19](#) (COVID-19 Vaccine Tracker Dashboard) la disponib pou mete Nouyòkè yo ajou sou distribisyon vaksen COVID-19 la. Depatman Sante (Department of Health, DOH) Eta New York la egzije etablisman k ap bay vaksen yo pou yo rapòte done pou tout vaksen kont COVID-19 yo bay nan yon delè 24 èdtan; done sou kantite vaksen yo bay yo ap ajou chak jou sou tablodò a pou reflekte mezi ki pi ajou yo nan kad efò vaksinasyon eta a.

Nouyòkè ki sispèk fwod nan pwosesis distribisyon vaksen an ka rele kounye a nan 833-VAX-SCAM (833-829-7226) oswa voye imèl bay Depatman Sante a nan STOPVAXFRAUD@health.ny.gov. Anplwaye liy ijans yo ap achemine plent yo bay ajans investigasyon ki apwopriye yo pou asire ke Nouyòkè yo pwofite de travay Eta a pou vaksinen tout popilasyon ki kalifye a.

###

Lèt nouvel disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)